

Золим. (Болалар учун)

05:00 / 16.02.2017 3333

Ёз кунларидан бирида болалар дарё бўйида ўйнашарди. Уларнинг орасида Жаъфар деган бола ҳам бор эди. Болалар уни золим деб аташарди. Чунки у ҳайвонларга озор берар эди. Жаъфар янги, янада таъсирли ўйин ўйнашни хохлади. Аммо болалар уларга у таклиф қилган бундай ўйинни ёқтиришмади.

Жаъфар ўзига ўхшаб фикрлайдиган икки-учта дўстларини бир бурчакка тортиб улгурди. Уларни бир четга олиб ҳамма нарсани айтганидан сўнг болаларга улар қизиқ ўйин топишганини айтди. Бошқа болалар ҳам бу янги ўйинни билишга қизиқиб қолишди. Шунда Жаъфар ва унинг дўстлари яқинда шаҳарга кўчиб келган Али деган болага маккорлик билан яқинлаша бошлашди. Бу Али дегани сузишни билмасди. Унинг қўлидан ушлаб, унга ташланиб уни дарёга ташлаб юборишди.

Қаттиқ қўрқиб кетган Али сузиш учун қўлларини бир-икки марта сувга уриб кўрди. Аммо уддалай олмади. Али кўтарилиб-тушиб сув остига чўка бошлади. Ҳар гал ёрдам сўраб бақирганида Жаъфар ва дўстлари унинг устидан мазаҳ қилишиб кулишарди.

Болаларнинг ичидан Исмоил деган бир бола тез-тез кийимларини еча бошла-ди. Жасур бола бўлгани учун Жаъфарга қарши тура олди. Мана шунинг учун у Али билан қилинган бу ишни кўрганида унга қарши бўлди ва сувга сакради. Бир-икки дақиқа ўтар-ўтмас уни дарё қирғоғига олиб чиқди.

Қолган болалар Исмоилдан миннатдор бўлишди. Ўша ердан ўтиб кетаётган бир киши бўлган воқеани кўрди. Бу чиройли ва ҳушбичим кўринишли киши Исмоилнинг бошини силаб туриб шундай деди: Эй болагинам, Аллоҳ сендан рози бўлсин. Сен Расулуллоҳ С.А.В. нинг ҳадисларида келган буйруқларига амал қилдинг. У Зот шундай деб марҳамат қилганлар:

Мусулмон мусулмоннинг биродари , унга зулм ҳам қилмайди, (фалокатда қолганида) уни ташлаб ҳам қўймайди. (Бухорий)

